

AKHBAR : BERITA HARIAN
MUKA SURAT : 56
RUANGAN : MAHKAMAH

KES KEMATIAN MENANTU TPM

'Dr Teck Chin tak pernah mohon jadi doktor lokum'



Kuala Lumpur: Mahkamah Sesyen diberitahu Doktor Perbidanan dan Sakit Puan (O&G), Dr Ting Teck Chin, yang didakwa menyebabkan kematian Datuk Syed Alman Zain Syed Alwi, tidak pernah memohon sebagai doktor lokum di Klinik Pakar Pergigian Imperial, tahun lalu.

Pengarah Hospital Kuala Lumpur (HKL), Dr Zaininah Mohd Zin, berkata setiap doktor perlu memohon menerusi ketua jabatan atau pengarah hospital tempat kerjanya jika mahu membuat lokum di klinik luar.

Beliau memberi keterangan pada perbicaraan kes kematian menantu Timbalan Perdana Menteri, Datuk Dr Seri Ahmad Zahid Hamidi itu sebagai saksi pendakwaan ke-68.

Menjawab soalan Timbalan Pendakwa Raya Shukor Abu Bakar, Zaininah berkata, permohonan kebenaran itu adalah arahan daripada Kementerian Kesihatan.

"Borang khas perlu diisi terutama bagi doktor pakar. Kebenaran itu diperlukan kerana ia adalah berlainan daripada bidang tugas hakiki di hospital.

Belum mohon hingga kini
 "Dalam kes Dr Teck Chin, beliau masih belum mengemukakan sebarang permohonan untuk melakukan lokum sehingga hari ini," katanya.

Beliau berkata, tindakan Dr Teck Chin yang bertugas sebagai pakar bius di Klinik Pakar Pergigian Imperial secara lokum adalah salah kerana perbuatannya itu boleh mengundang risiko dan tidak mengikut etika perubatan.

Katanya, HKL juga tidak akan bertanggungjawab dengan sebarang kemungkinan malahan tertuduh harus bertanggungjawab dengan tindakannya itu.

"Berhubung isu warta, Dr Teck Chin belum diwartakan kerana beliau masih menjalani latihan prawarta di mana ada

sebulan lagi untuk beliau selesaikan.

"Selain itu, laporan prestasi berhubung latihan prawarta masih belum diterima bagi mendekati sekiranya Dr Teck Chin boleh diwarta sebagai Doktor Perbidanan dan Sakit Puan," katanya.

Hukuman jika sabit kesalahan

Dr Teck Chin yang diwakili peguam, K Devkumar didakwa menyebabkan kematian Syed Alman Zain di Pusat Pakar Pergigian Imperial, Lot 62 & 64, Jalan Telawi, Bangsar Baru, Brickfields, antara 6 petang dan 9.05 malam, 1 Jun 2016.

Dia didakwa mengikut Seksyen 304(b) Kanun Kesejahteraan yang membawa hukuman penjara maksimum 10 tahun atau denda atau kedua-duanya, jika sabit kesalahan.

Perbicaraan di hadapan Hakim Zaman Mohd Noor bersambung hari ini.

Tindakan Dr Teck Chin yang bertugas sebagai pakar bius di Klinik Pakar Pergigian Imperial secara lokum adalah salah kerana perbuatannya itu boleh mengundang risiko dan tidak mengikut etika perubatan"

**Dr Zaininah Mohd Zin,
 Pengarah HKL**

AKHBAR : HARIAN METRO**MUKA SURAT : 20****RUANGAN : TENGAH**

Shah Alam: Jabatan Kesihatan Selangor serta agensi berkaitan akan meningkatkan pemantauan dan aktiviti kawalan bagi mengekang peningkatan kes malaria di negeri itu.

Ini berikutan sebanyak 87 kes dicatatkan membabitkan wabak itu di Selangor sehingga 14 Oktober lalu.

Exco Kesihatan, Kebajikan, Hal Ehwal Wanita dan Keluarga, Dr Daroyah Alwi berkata, disebabkan kawalan malaria di bawah Ke-

Kawal kes malaria

menterian Kesihatan, Jabatan Kesihatan dikerah bagi mengurangkan wabak berkenaan serta mencegah kejadian di kawasan yang sudah bebas daripada malaria.

"Bagi mengelakkan kes kematian berulang, Jabatan Kesihatan mengarahkan semua hospital di Selangor memantau sejarah pergerakan pesakit dalam tempoh sebulan sama ada baru

balik dari hutan atau kawasan malaria.

"Mereka juga akan memantau golongan seperti pembalak, orang Asli, pemburu, pelancong atau penduduk yang mendiami kawasan pinggir hutan," katanya ketika menjawab pertanyaan Dr Halimah Ali (PAS-Selat Klang) pada sidang DUN) Selangor, semalam.

AKHBAR : SINAR HARIAN

MUKA SURAT : 10

RUANGAN : NASIONAL

Tak pernah mohon doktor lokum

KUALA LUMPUR - Pengarah Hospital Kuala Lumpur (HKL), Datuk Dr Zaininah Mohd Zin memberitahu mahkamah sesyen di sini, bahawa Doktor Perbidanan dan Sakit Puan (O&G), Dr Ting Teck Chin yang didakwa menyebabkan kematian menantu Timbalan Perdana Menteri, Syed Alman Zain Syed Alwi, tidak pernah memohon untuk menjadi doktor lokum (sambilan) di Klinik Pakar Pergigian Imperial.

Dr Zaininah, 58, berkata, sekiranya seseorang doktor mahu melakukan lokum di klinik luar, permohonan perlu dibuat menerusi ketua jabatan dan pengarah hospital tempat dia bertugas.

Ketika ditanya Timbalan Pendakwa Raya Shukor Abu Bakar berhubung permohonan seseorang doktor bagi mendapatkan kebenaran itu, beliau menjawab ia adalah arahan daripada Kementerian Kesihatan.

Perbicaraan bersambung hari ini. - *Bernama*

AKHBAR : UTUSAN MALAYSIA**MUKA SURAT : 27****RUANGAN : UTUSAN KOTA**

Hospital Jempol bakal miliki pakar mata, tulang

JEMPOL 13 Nov. - Penduduk di daerah ini bakal mendapat kemudahan kesihatan lebih baik apabila Hospital Jempol di sini bakal dilengkapi dengan perkhidmatan pakar mata dan tulang tidak lama lagi.

Pengerusi Jawatankuasa Bertindak Pendidikan dan Kesihatan negeri, Datuk Shamshulkahar Mohd. Deli berkata, dengan adanya perkhidmatan tersebut akan memudahkan penduduk yang sebelum ini terpaksa mendapatkan rawatan di Hospital Tuanku Ampuan Najihah di Kuala Pilah.

“Hospital Jempol akan mewujudkan pakar mata serta tulang dan ini bermakna peranan hospital itu akan lebih besar dalam memberi rawatan dan manfaat kepada masyarakat,” ujarnya ketika berucap dalam Ekspo Jaga Kesihatan Ketika Sihat peringkat

Negeri Sembilan 2017 di sini.

Yang turut hadir Pengarah Kesihatan negeri, Dr. Zainudin Mohd. Ali; Pegawai daerah, Zazali Salehuddin dan Pegawai Kesihatan daerah, Dr. Harriza Zainuddin.

Seramai 600 pengunjung meriahkan ekspo dua hari yang menyediakan pelbagai aktiviti penjagaan kesihatan kepada orang ramai.

Dalam pada itu, Shamshulkahar berkata, program seumpama itu mampu menerapkan kesedaran kepada masyarakat tentang kepentingan pengambilan menu sihat dan senaman.

Katanya, ia juga merupakan usaha yang diadakan bagi memberi kefahaman kepada orang ramai dalam mengurangkan risiko penyakit tidak berjangkit di negara ini.



SEBAHAGIAN pengunjung yang meriahkan Ekspo Jaga Kesihatan Ketika Sihat peringkat Negeri Sembilan 2017 di Jempol, baru-baru ini.

AKHBAR : THE STAR

MUKA SURAT : 13

RUANGAN : NATION

'D-Gs do not text people for money'

Dr Noor Hisham impersonated by online would-be scammer

By CLARISSA CHUNG
clarissachung@thestar.com.my

PETALING JAYA: A Facebook user has been impersonating Health Ministry director-general Datuk Dr Noor Hisham Abdullah in hopes of earning quick cash.

In one Facebook post, Dr Noor Hisham said the imposter sent inappropriate messages to nurses and even asked people for money.

The imposter went by the name "Abdullah Hisham Noor" while Dr Noor Hisham's official Facebook account and page are "Hisham Abdullah" and "Noor Hisham Abdullah" respectively.

When contacted by *The Star*, Dr Noor Hisham disclosed that one nurse received a personal message from the imposter asking for her phone number, and she obliged, thinking that it was really Dr Noor Hisham.

The next day, she received a WhatsApp message from a phone number with Dr Noor Hisham as its profile picture.

A few days later, she received a message from the same number asking for RM3,000.

Suspecting that something was amiss, she called the number and realised that the man who answered had a foreign accent.

She ticked off the man and lodged a police report.

Dr Noor Hisham said the fake Facebook page had since been taken down.

He urged members of the public to be vigilant of fake social media accounts.

"Such an incident can happen to anyone, on whatever form of social media we use."

"Netizens must not believe everything blindly," he said, adding that it was absurd that a director-general would ask for money through social media.